

Broj: U.D.-01-04-5202/20
Sarajevo, 03.04.2020. godine

Na osnovu člana 70. stav (3) Zakona o javnim, člana 45. Statuta „JP BH POŠTA“ d.o.o. Sarajevo i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te prijedloga - preporuke Komisije za nabavku **izvođenja radova na adaptaciji, enterijeru i opremanju izdvojenog šaltera u SCC-u** broj: 07.4-11-9-17340-24/19 od 31.03.2020.godine, Uprava Društva na svojoj 6 elektronskoj sjednici održanoj 03.04.2020. godine, d o n o s i:

O D L U K U O IZBORU NAJPOVOLJNIJEG PONUĐAČA

I

U postupku javne nabavke **izvođenja radova na adaptaciji, enterijeru i opremanju izdvojenog šaltera u SCC-u**, ovom odlukom se vrši izbor najpovoljnijeg ponuđača **Cube design doo Sarajevo**, sa vrijednošću ugovora **24.390,00 KM bez PDV-a**, odnosno ukupnu vrijednost od **28.536,30 KM sa uračunatim PDV-om**;

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originalni ili ovjerene kopije.

III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E:

Na osnovu Odluke o pokretanju postupka javne nabavke **izvođenja radova na adaptaciji, enterijeru i opremanju izdvojenog šaltera u SCC-u** broj: U.D-01.04-3119/20 od 18.02.2020. godine i Rješenja Generalnog direktora o formiranju Komisije za provođenje postupka nabavke izvođenja radova na adaptaciji, enterijeru i opremanju izdvojenog šaltera u SCC-u broj: 01-11-9-17340-10/19 od 19.02.2020. godine, Komisija je provela postupak javne nabavke, putem konkurentskog zahtjeva za dostavljanje ponuda, broj: 07.4-11-9-17340-18/19 sa objavljivanjem Objaveštenja o nabavci, broj: 238-7-3-135-3-49/20 od 03.03.2020. godine, na Portalu JN.

Javno otvaranje ponuda u postupku predmetne nabavke održano je dana 19.03.2020. godine u 12 sati i 15 min, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban Zapisnik o otvaranju ponuda, broj: 07.4-11-9-17340-23/19, koji je sastavni dio ovog Izvještaja. Svim ponuđačima isti je dostavljen putem mail-a isti dan.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije. Na Protokol Društva do roka određenog za prijem ponuda (do 19.03.2020. godine do 12,00 sati), pristigle su ponuda slijedećih ponuđača:



	GENERALNA DIREKCIJA
1. Cospex doo Zenica	u iznosu od 24.420,00 KM bez PDV-a
2. Cube design doo Sarajevo	u iznosu od 24.884,00 KM bez PDV-a
3. Dinalsa doo Sarajevo	u iznosu od 31.540,00 KM bez PDV-a

Cijeneći činjenično stanje Komisija konstatuje da su za javnu nabavku izvođenja radova na adaptaciji, enterijeru i opremanju izdvojenog šaltera u SCC-u, pristigle ukupno tri prihvatljive ponude

Poštujući tačku 6.1 tenderske dokumentacije kojom je predviđeno održavanja E-aukcije a sve u skladu sa Pravilnikom o uslovima i načinom korištenja e-aukcije ("Službeni glasnik BiH" broj: 66/16), Komisija je zakazala e-aukciju na portalu Javnih nabavki (www.ejn.gov.ba) dana 30.03.2020.godine sa početkom u 13:00 sati i predviđenim početnim trajanjem e-aukcije od 15 minuta.

Nakon okončane e-aukcije koja je trajala 15 min (Izvještaj o toku i završetku E-aukcije u prilogu) a shodno utvrđenom kriteriju „najniža cijena“, Komisija konstatuje da je:

- cijena ponude ponuđača Cospex doo Zenica i Dinalsa doo Sarajeva nije mijenjana u odnosu na početne cijene ponuda ovih ponuđača

- cijena ponude ponuđača Cube design doo Sarajevo u iznosu od 24.390,00 KM bez PDV-a manja za 1,985211% u odnosu na cijenu početne ponude koja je iznosila 24.884,00 KM bez PDV-a;

Nakon svega gore navedenog te provedene E-aukcije, utvrđena je **konačna rang-lista ponuđača**, bez PDV-a, kako slijedi:

1. Cube design doo Sarajevo.....sa konačnom cijenom	24.390,00 KM
2. Cospex doo Zenica.....sa konačnom cijenom	24.420,00 KM
3. Dinalsa doo Sarajevo.....sa konačnom cijenom	31.540,00 KM

Obzirom da ponuda ponuđača **CUBE DESIGN doo Sarajevo** u potpunosti odgovara traženim tehničkim zahtjevima ugovornog organa, i da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama.



GENERALNI DIREKTOR

mr.sc. Mirsad Mujić

Dostaviti:

- Služba Marketing (za objavu)
- Centar pošta Sarajevo – nosioc posla
- Sektor za razvoj i informacioni sistem
- Sektor za EKF poslove
- Odjeljenje za Javne nabavke
- Ponuđačima putem Odjeljenja za javne nabavke
- arhiva UD
- a/a

